

7274

ԾԻԱԿԱՆ ԿԱՆՈՆԱԴՐՈՒԹԻՒՆ

ՀԱՅԱՍՏԱՆԵԱՅՑ

ԱՌԱՔԵԼԱԿԱՆ Ա. ԵԿԵՂԵՑԻՈՑ

Դ. Ա. ԴԱՐՇԱՊԱՏ

Տպարան Մայր Արուսյ և Էջմիածնի

1915

281/91.542)

D-64

281(91.542)
S-64

1 OCT 2009

ԾԻԱԿԱՆ ԿԱՆՈՆԱԴՐՈՒԹԻՒՆ

ՀԱՅԱՍՏԱՆԵԱՑՑ

ԱՌԱՔԵԼԱԿԱՆ Ա. ԵԿԵՂԵՑԻՈՅ

1005
1004
1003



Վ. Ա. Դ. Ա. Ր. Շ. Ա. Պ. Ա. Տ.

Տաղարան Մայր Աթոռութեան և Էջմիածնի

1914

14 MAY 2013

7274

Հաստատեմ զայս ծխական կանոնադրութիւն
Հայաստանեայց Առաքելական և Եկեղեցւոյ եւ¹
տամ ի գործադրութիւն.

Հ Յ Ո Բ Գ Ե.
ԿԱԹՈՒՂԻԿՈՍ ԱՄԵՆԱՅՆ ՀԱՅՈՑ

1 նոյեմբերի 1914 թ.
Մ. Էջմիածին

ԾԽԱԿԱՆ ԿԱՆՈՆԱԴՐՈՒԹԻՒՆ

ՀԱՅԱՍՏԱՆԵԱՅՑ
ԱՌԱՔԵԼԱԿԱՆ Ս. ԵԿԵՂԵՑԻՈՅ

Ա

ՀԱՅԱՍՏԱՆԻ, ԺԻՎԱԿԱՆ ԵԽ ԻՐԱԿԱԾՈՒՆ.

1. Իւրաքանչիւր Եկեղեցու կամ աղօթատան բու-
լոր ծխականները նոյն Եկեղեցու կամ աղօթատան
միաբան հոգևոր պաշտօնեանների հետ միասին կազմում
են մի ծխական համայնք:

2. Ծխական են այն անձինք (իրենց ընտանիքով),
որոնք կատարում են Եկեղեցու և ծխի վերաբերմամբ
որոշ պարտաւորութիւններ (յօդ. 3) և որոնց անուն-



ներն արձանագրուած են նոյն եկեղեցու կամ աղօթատան յատուկ մատեանում (յօդ. 5.):

3. Ծխականները պարտաւոր են յանձն առնել իրենց եկեղեցու ծխական ժողովի որոշած ծառայութիւնները և մասնակցել եկեղեցական պէտքերի համար պահանջուած ծախքերին:

4. Իւրաքանչիւր անձն կարող է լինել միայն մի եկեղեցու ծխական:

5. Իւրաւասու է, այսինքն ծխական ժողովներին մասնակցելու, ընտրելու և ընտրուելու իւրաւունք ունի տարին լրացրած իւրաքանչիւր այր ծխական, որի անունն առնուազն երկու տարի, իբրև ծխականի, արձանագրուած է նոյն եկեղեցու կամ աղօթատան յատուկ մատեանում (այդ ժամանակամիջոցում նա համարւում է նոր եկեղեցու ժամաւոր և նախկին եկեղեցու իւրաւասու ծխական) և կատարել է իւր պարտաւորութիւնները ծխի և եկեղեցու վերաբերմամբ, ի բաց առեալ՝

Ա. Ով հոգեոր իշխանութեան օրինական դատաստանով զրկուած է այդ իւրաւունքից և կամ գտնուած է ապաշխարութեան տակ:

Բ. Ով պետական դատարանով զրկուած է բոլոր իւրաւունքներից:

Գ. Ով սովորոյթի իւրաւունքով ընդունուած կամ ծխական ժողովից սահմանուած եկեղեցական տուրքերը չեն վճարել (բացի ծխական ժողովի վկայեալ չունեորներից) և որի վրայ ապառիկներ կան:

Բ.

Ծխական ժողով.

6. Իւրաքանչիւր եկեղեցու կամ աղօթատան իրաւասու ծխականները նոյն եկեղեցու կամ աղօթատան միաբան հոգեոր պաշտօնեաների հետ պաշտօնական հրաւէրով (յօդ. 11) համախմբուած կազմում են ծխական ժողով:

7. Ծխական ժողովի իւրաւասութեան ինդիրներն են.

Ա. Եկեղեցու կամ աղօթատան բարեզարդութեան մասին հոգացողութիւնը (անօթների, զգեստների մատակարարութիւն և այլն):

Բ. Քարոզիչ հրաւէրելը և յ երգեցիկ խումբ ու խմբապետ պահելը:

Գ. Քահանայացուների և հոգեոր կոչման մէջ ընդունուելիք Եկեղեցական սպասաւորների ընտրութիւնը:

Դ. Ռւսումնարաններ, հիւանդանոցներ, աղքատանոցներ, ապաստարաններ և այլ բարեգործական հաստատութիւններ բանալը:

Ե. Ծխական հոգաբարձութիւն (տես յօդ. 37), երեսփոխ և վերաստուգիչ յանձնաժողով ընտրելը և իհարկին պաշտօնից նեռացնելու որոշումը. շինութիւններ, նորոգութիւններ և այլ գործեր կատարելու համար յատուկ յանձնախմբեր ընտրելը, նրանց գոր-

ծունէութեան քննութիւնը և հաշուառութիւնը, յանցաւորութեան դէպքում նրանց քրէական և քաղաքացիական դատի ենթարկելու որոշումը:

Զ. Ծխական համայնքի բարեգործական ու կրթական գործունէութեան, ել ու մուտքի և գոյքի (շարժական ու անշարժ) ընդհանուր տնօրէնութիւնը:

Է. Կալուածներ գնել և վաճառելը (տես 67 յօդ. ծանօթ.):

Ը. Ծխական տուրքեր սահմանելը:

Թ. Հարկ եղած դէպքերում որոշել և յանձնաբարել ծխական համայնքի շահը պաշտպանել պետական դատարաններում, քրէական և քաղաքացիական դատեր վարելը երեսփոխի ձեռքով:

Ժ. Պատգամաւորներ, ներկայացուցիչներ և անձնափոխանորդներ ընտրելը ծխական համայնքի կողմից ուրիշ պատգամաւորական ժողովներին և զանազան եկեղեցական գործառնութիւններին մասնակցելու համար:

ԺԱ. Գերեզմանատունը մաքուր և վայելուչ պահպանելը:

ԺԲ. Թեմական կարիքների համար հարկաւոր ծախքերին մասնակցելը:

Ց. Ծխական ժողով հրաւիրում է եկեղեցու աւագերէցը՝ հոգեոր իշխանութեան կարգադրութեամբ և կամ առաջարկութեամբ՝

Ա. Թեմական տեսչի

Բ. Եկեղեցու միաբանութեան

Գ. Եկեղեցու հոգաբարձութեան

Դ. Երեսփոխի

Ե. Վերաստուգիչ յանձնաժողովի

Զ. Նոյն համայնքի առնուազն 12 իրաւասու ծխականների:

Ծանօթ. Աւագերէց կամ նրան փոխարինող քահանայ չեղած դէպքում՝ ժողով հրաւիրում է երեսփոխը:

Զ. Ծխական ժողովը գումարում է եկեղեցում. կարելի է նաև այլ յարմար շէնքի մէջ: Եթէ ժողովը եկեղեցումն է, սեղանի վարագոյը պէտք է քաշուած լինի:

10. Պարբերական ծխական ժողովները գումարում են տարեկան երկու անգամ, մարտին՝ նախորդ տարուայ հաշիւները քննելու և նոյեմբերին՝ յաջորդ տարուայ նախահաշիւը կազմելու:

Ծանօթ. Դպրոցական նախահաշիւն ու հաշիւը քննելու մասին տեսնել Հայոց եկ. ծի. դպրոցների ժամ. ներքին կանոնադրութիւններից առնուազն մի շաբաթ առաջ:

11. Քաղաքներում և աւաններում ժողովի հրաւերը լինում է հրաւիրաթղթով, գրաւոր և բերանացի ծանուցումով, իսկ որտեղ կան լրագիր՝ նաև լրագրական յայտարարութիւններով ժողովից առնուազն մի շաբաթ առաջ:

Ծանօթ. Ա. գրաւոր ծանուցումը փակցնուում է եկեղեցու պատի վրայ առնուազն մի շաբաթ առաջ յատուկ տեղում, եկեղեցու գրան մօտ. իսկ բանաւոր ծանուցումը՝ եկեղեցում, առնուազն երեք անգամ: Հրաւիրաթղթում և լրագրական յայտա-

ըարութիւնների մէջ յիշատակուած պէտք է լինին ժողովի գումարման տեղը, ժամանակը և հարցերի օրակարգը:

Բ. Գիւղերում ժողովները գումարւում են ըստ տեղական յարմարութեան:

12. Ժողով եղած բոլոր իրաւասու ծխականների անուն—ազգանունները գրւում են մի յատուկ թերթի վրայ:

13. Ժողովի հրաւիրողը բարձրաձայն համեմատում է 12-րդ յօդուածում յիշուած թերթի արձանագրուած անունները ծխական իրաւասուների տարեցուցակի հետ և ստուգում ներկայ գտնուղ ծխականների ժողովին մասնակցելու իրաւունքը. (այս վերստուգուած ցուցակը կցում է ժողովի արձանագրութեան):

14. Ծխական ժողովը կանոնաւոր է համարւում առաջին իսկ անգամ, որքան եւ լինի իրաւասուների թիւը, բացի հոգևոր պաշտօնեանների ընտրութիւնից և կալուածներ գնելու ու վաճառելու դէպքերից (յօդ. 66, 67 և 67-ի ծանօթութիւնը):

Ծանօթ. Ժողովը պէտք է փակուած համարուի, եթէ սկզբում ներկայ եղած իրաւասուների կիսից աւելին հեռացել է նիստից:

15. Ժողովը բացւում է նշանակուած ժամանակից առ առաւելն՝ $\frac{1}{2}$ ժամ յետոյ:

16. Ծխական ժողովի նիստերը դռնբաց են, բացի արտակարգ դէպքերից, երբ ժողովի որոշմամբ նիստը կարող է և դռնփակ լինել:

17. Ժողովի հրաւիրողը, իբրև նախագահ՝ ա. բաց է անում ժողովը և առաջարկում է ընտրել ժողովի ատենապետ և քարտուղար, բ. ներկայ է լինում մինչև ժողովի վերջը և հսկում է ժողովի կանոնաւորութեան՝ կանոնադրութեան անթերի կատարման վրայ ու ստորագրում է ժողովի արձանագրութեան ներքոյ ամենից վերջը, գ. յիշեցնում է՝ ատենապետին, եթէ ժողովում որևէ անպատշաճ խօսք կամ անվայել վարմունք է տեղի ունենում ու ատենապետը չի կանխում կարգի հրաւիրելը:

Ծանօթ. Ա. Եթէ նախագահն իրաւասու է՝ մասնակցում է ժողովին ձայնի իրաւունքով:

Բ. Եթէ ժողովին ներկայ է Առաջնորդը կամ Փոխանորդը՝ նա է նախագահում ժողովին:

Գ. Եթէ նախագահի դիտողութիւնները չեն յարգւում, ներկայացնում է թեմական իշխանութեան ժողովի արձանագրութեան հետ:

18. Ատենապետն անցնելով գործի՝ իշխան ժողովականների կարգում է ժողովի օրակարգը, որի խընդիրների դասաւորութիւնը ժողովի որոշմամբ կարող է ենթարկուել փոփոխութեան: ։

Ծանօթ. Ծխական ժողովում խորհրդածութեան և ձայնաւութեան առարկայ լինել կարող են միմիայն օրակարգում նշանակուած հարցերը: Օրակարգի խնդիրների որոշումները տալուց յետոյ՝ ծխական ժողովում կարելի է նոր խընդիրներ և հարցեր արծարծել ու միայն խորհրդակցութեան նիւթ դարձնել, որոնց համար

վերջնական որոշումներ կ'արուին հետևեալ ծխական ժողովում:

19. Առենապեալ Ա. քննութեան է դուռը օրակարգի ինդիրները ընդունուած դասաւորութեամբ:

Բ. Հոկում է ընդհանուր կարգապահութեան և ծխական ժողովի բոլոր գործողութիւնների կանոնաւորութեան:

Գ. Ծխական ժողովին ներկայ եղող կողմանկի ոչ ժողովական անձերին, որևէ անկարգութեան դէպքում, անմիջապէս հեռացնում է ժողովից:

Դ. Երկու անդամ պաշտօնապէս կարգի հրաւիրելուց յետոյ՝ անկարգապահ ժողովականին զբկում է խօսելու իրաւունքից, իսկ անկարգութեան յամառշարունակութեան դէպքում, ժողովի որոշման համաձայն՝ նրան հեռացնում է նիստից:

Ե. Ծայրայեղ դէպքերում, երեք անդամ ամբողջ ժողովը պաշտօնապէս կարգի հրաւիրելուց յետոյ, երբ այլևս անհնարին է շարունակել նիստը, ատենապետը նախագահի համաձայնութիւնն առնելուց յետոյ՝ ժողովը փակուած է յայտարարում:

20. Եթէ ատենապետը գեռ ժողովը չփակուած, որևէ պատճառով թողնում է ատենապետութիւնը՝ նոր ատենապետ է ընտրուում (17 յօդուածի ա. կէտ):

21. Եթէ որևէ ժողովական անձնական շահ ունի խորհրդածուելիք և վճռուելիք ինդրում, այդ ինդրի խորհրդածութեան և վճռման ժամանակ, ժողովի որոշումով, կամ ձեռնպահ է մնում քուէարկութիւնից և կամ հեռանում է նիստից:

22. Իւրաքանչիւր ժողովական ունի միայն մի ձայն կամ քուէ: Ժողովին ներկայ չեղող ծխական իրաւասուն իւր ձայնը կամ քուէն իրաւունք չունի ուրիշին յանձնելու:

23. Ծխական ժողովի որոշումով ձայնատութիւնը կամ քուէարկութիւնը (թէ վճռուելիք հարցերի և թէ ընտրութիւնների) կարող է լինել ձեռք բարձրացնելով, թերթիկներով կամ քուէներով: Ձայնատութիւնը լինում է գաղտնի, եթէ ժողովականներից նոյնիսկ մի հոգի այդ կպահանջի:

24. Ընտրութիւններ կատարելիս զաղանի քուէարկութեան դէպքում թեկնածուներ որոշելու համար ատենապետը բաժանում է բոլոր ժողովականներին՝ նախագահ ժողովի հրաւիրողի կողմից պատրաստի համարագրուած և կնքուած թերթիկներ: Այդ թերթիկները հաւաքում և կարդում է քարտուզար՝ ատենապետի վերահսկողութեամբ, և նշանակում է իւրաքանչիւր թեկնածուի ստացած ձայների թիւը: Այնունետեւ թեկնածուները քուէարկուում են ստացած ձայների առաւելութեան կարգով:

Ծանօթ. Իւրաքանչիւր ժողովական իւր թերթիկի վրայ կարող է գրել առ առաւելն այնքան թեկնածուների անուններ, որքան պաշտօնեաներ պէտք է ընտրուեն:

25. Թեկնածուների ընտրութիւնից յետոյ ով չէ հրաժարուում՝ քուէարկուում է: Ընտրուած են համարուում այն թեկնածուները, որոնք շահել են ժողովականների կիսից աւելի, ըստ քուէների առաւելութեան:

Ծանօթ. Անձնագրովանորդների ընտրութիւնը կատարվում է առանձին՝ նոյն եղանակով:

26. Քուէարկուել կարող է նաև ժողովից բացակայող անձը, եթէ առաջարկողը երաշխաւորում է, որ ընտրուածը չի հրաժարուի:

Ծանօթ. Ինքը թեկնածուն չի կարող մասնակցել իւր քուէարկութեանը:

27. Ընտրութիւնները կանոնաւոր են, երբ ընտրուածները ստանում են ներկայ եղող ժողովականների կիսից աւելի ձայն կամ քուէ բացի յատկապէս նախառեսուած դէպքերից (յօդ. 66, 67): Զայների հաւասարութեան դէպքում վիճակն է որոշում:

28. Ծխական ժողովների վճիռները նոյնպէս լինում են ձայների մեծամասնութեամբ. հաւասարութեան դէպքում խնդիրը վերաքննում է և կրկն քուէարկում և կամ ժողովի որոշումով յետաձգւում է:

29. Ծխական ժողովի փակուելուց առաջ քարտուղարը կարդում է արձանագրութիւնը, որի մէջ պէտք է գրի առնուած լինեն ժողովի ամբողջ ընթացքն ու որոշումները: Մանրամասնօրէն արձանագրում են ատենապետի կողմից ձայնից զրկելու և ժողովից հեռացնելու դէպքերը: Արձանագրութիւնը կարդալուց յետոյ, ուղղում են սխալները, ապա ստորագրում են՝ ատենապետը, քարտուղարը և ժողովից յանձնարարուած առնուագն հինգ հոգի:

30. Ծխական ժողովից դուրս կազմուած որևէ համախօսական, նոյնիսկ պաշտօնապէս վաւերացուած

ստորագրութիւններով ծխական ժողովի վճուկ ոյժ չունի:

31. Ծխական ժողովի վճիռների և ընտրութիւնների դէմ բողոք ունեցող ժողովականն իրաւունք ունի արձանագրութեան տակ իւր ստորագրութեան վրայ աւելացնելու միայն «բողոք ունիմ» խօսքը և երեք օրուայ ընթացքում տալիս է իւր գրաւոր բողոքը նախագահին՝ արձանագրութեանը կցելու: Բողոքողն իրաւունք ունի իւր բողոքի պատճէնը վաւերացնել տալ նախագահի ստորագրութեամբ՝ իւր մօտը պահելու համար:

32. Ծխական ժողովի արձանագրութիւնը ժողովից յետոյ՝ երեք օրից ոչ շուտ և առ առաւելն մի շաբաթուայ ընթացքում նախագահը ներկայացնում է մերձաւոր հոգեոր իշխանութեան, վերջինս էլ երեք օրուայ ընթացքում պարտաւոր է ներկայացնել թեմական իշխանութեան:

33. Ծխական ժողովի բոլոր վճիռներն և ընտրութիւնները գործադրում են թեմական իշխանութեան կողմից հաստատութիւն ստանալուց յետոյ:

34. Թեմական իշխանութիւնն իւր որոշումը թէ հաստատելու և թէ բեկանելու դէպքում, պարտաւոր է յայտնել ծխական համայնքին ի գիտութիւն առ առաւելն մի ամսուայ ընթացքում: Մէկ ամիսը հաշւում է ժողովի արձանագրութիւնը թեմական իշխանութեան համելու օրից:

35. Եթէ թեմական իշխանութիւնը բեկանում է ծխական ժողովի որոշումը կամ ուշացնում է հաստա-

առութիւնը՝ կարելի է բողոքել բարձրագոյն Հոգեոր
պատշաճ իշխանութեան:

Գ.

ԺԽԱԿԱՆ ՀՈԴԱԲԱՐՁՈՒԹԵԱՆ, ԵՐԵՄՓՈԽԻ,
ՎԵՐԱՍՏՈՒԳԻԶ ՅԱՆՉՆԱԾՈՂՈՎԻ ԸՆՏՐՈՒԹԻՒՆՆ
ՈՒ ՊԱՇՏՈՆԵՎԱՐՈՒԹԻՒՆԸ:

36. Եկեղեցու գոյքերն ու հաստատութիւնները կառավարելու և նրա բոլոր գործերը վարելու համար ծխական ժողովն ընտրում է իրաւասու ծխականներից, երեք տարի ժամանակով, ծխական հոգաբարձուներ և երեսփոխ, որ անդամ է հոգաբարձութեան, հոգաբարձուների հետ հաւասար իրաւունքներով։ Հոգաբարձուների թիւը պէտքէ լինի քաղաքներում և հարիւր ծխից աւելի գիւղերում չորս, իսկ աւելի փոքր գիւղերում՝ երկու։ Սրանց հաստատում է թեմակալ Առաջնորդը, իսկ երեսփոխին վիճակային կոնսիստորիան։

37. Հոգաբարձական կազմի հետ միաժամանակ ծխական ժողովն ընտրում է նաև վերստուգիչ յանձնաժողով։ Այս յանձնաժողովի պարտականութիւնն է քննել հոգաբարձութեան տարեկան հաշիւները և զեկուցանել ծխական պարբերական ժողովին (յօդ. 10, 55):

38. Նոր հոգաբարձութիւն ընտրելուց առաջ ծխական ժողովը պէտք է քննէ հին կազմի հաշիւները,

լոելով վերստուգիչ յանձնաժողովի գեկուցումը նրա գործունէութեան մասին, և ապա կատարի ընտրութիւնը։ Եթէ հոգաբարձութիւնը ժամանակին չներկայացնի հաշիւները, կամ եթէ ներկայացրած հաշիւները ծխական ժողովից համարուեն անբաւարար կամ վիճելի, այս դէպքում էլ ձեռնարկուում է նոր կազմի ընտրութեան։

Մանօք. Ա. Հաշիւն չներկայացրած կամ անբաւարար հաշիւն ներկայացնող հոգաբարձութեան անդամները վերընտրելի չեն։

Բ. Նոյն ժողովում, հարկ եղած դէպքում, կարելի է որոշել հոգաբարձութեան հին կազմը դատի ենթարկել։

39. Ծխական ժողովն ընտրում է հոգաբարձութեան համար երկու անձնափոխանորդ։

40. Ծխական հոգաբարձութեան եկեղեցուն վերաբերեալ խնդիրների նիստերին մասնակցում է եկեղեցու աւագերէցը ձայնի իրաւունքով, իսկ դպրոցներին վերաբերեալ խնդիրների նիստերին մասնակցում է դպրոցի տեսուչը կամ աւագ ուսուցիչը՝ նոյնպէս ձայնի իրաւունքով։

41. Խնչպէս հոգեոր իշխանութեան ներկայացուցիչներին, նոյնպէս և վերստուգիչ Յանձնաժողովին՝ ամեն անդամ, երբ սրանք պահանջեն, ծխական հոգաբարձուները և երեսփոխները պարտաւոր են անյապաղ ներկայացնել իրենց բոլոր մատեանները և հաշիւներն ի գննութիւն։

42. Հին հոգաբարձութիւնը շարունակում է պաշ-

տօնավարութիւնը մինչև նորը ստանձնէ իւր պաշտօնը. նա պարտաւոր է յանձնել նորին Հոգեոր Իշխանութեան ներկայացուցչի և վերստուգիչ յանձնաժողովի անդամների ներկայութեամբ և ստուգութեամբ եկեղեցու և իւր հաստատութիւնների բոլոր գոյքը՝ յանձնողական և ստացողական ցուցակներով:

43. Այնձնափոխանորդը հրավիրում է մամնակցելու հոգաբարձական ժողովներին, ըստ քուէների առաւելութեան հոգաբարձութեան անդամի աւելի քան մի ամիս բացակայելու դէպքում:

44. Հոգաբարձուի հրաժարուելու դէպքում, եթէ պաշտօնավարութեան ժամանակի կիսից աւելին անցել է՝ առաւելագոյն քուէ ստացած անձնափոխանորդը փոխարինում է հրաժարուած հոգաբարձուին, իսկ եթէ պաշտօնավարութեան ժամանակամիջոցի կիսից աւելի է մնում, այդ դէպքում մնացած ժամանակամիջոցի համար ընտրում է հոգաբարձութեան նոր անդամ:

45. Ծխական հոգաբարձութեան անդամներն իրենցից մէկին ընտրում են նախազան, և խնդիրներն որոշում ձայների մեծամասնութեամբ: Գանձապահի պաշտօնը կատարում է երեսփոխը: Նիստի տեղի, ժամանակի և օրակարգի մասին հոգաբարձութիւնը վազօրօք յայտնում է աւագերեցին կամ աւագ-ուսուցչին (յօդ. 40):

46. Հոգաբարձութեան նախազանը, նախապէս կազմելով օրակարգը, հրավիրում է հոգաբարձութեան անդամներին ժողովի, դեկավարում է ժողովը, ստո-

րագրում է հոգաբարձութեան անունից ուղղուած պաշտօնական գրութիւնները և առնասարակ հսկում է գործավարութեան կանոնաւորութեան վերայ:

47. Հոգաբարձութիւնն ունենում է ըստ տեղական պայմանների պարբերական ժողովներ առնուազն ամիսը մի անգամ:

48. Հոգաբարձութիւնն ունի իւր պաշտօնական կնիքը սահմանուած ձևով եկեղեցու անունով:

49. Երեսփոխը, բացակայութեան դէպքում, իւր պաշտօնը ժամանակաւորապէս յանձնում է հոգաբարձութեան անդամներից մէկին, իւր պատասխանաւութեամբ. իսկ նրա իսպառ հրաժարուելու դէպքում հոգաբարձութիւնն անմիջապէս զեկուցանում է ի տնօրէնութիւն թեմական իշխանութեան և իւր անդամներից մէկին է յանձնում նորա պաշտօնը՝ մինչև նոր երեսփոխի ընտրութիւնը:

50. Ծխական հոգաբարձութիւնն եկեղեցու համար կազմում է մի նախահաշիւ, որի մէջ պէտք է մտնեն թէ եկեղեցու, թէ դպրոցի և թէ եկեղեցւոյ այլ հաստատութիւնների բոլոր մուտքերն ու ելքերը: Ամեն մի հաստատութիւն կարող է ունենալ ելից և մտից առանձին մատեան, իսկ ընդհանուր մուտքն ու ելքը պէտք է արձանագրուի եկեղեցուն տրուած մայր մատեանի մէջ (յօդ. 60):

51. Իւրաքանչիր եկեղեցի իւր եկամտի 20|0-ը պէտք է ամեն տարի ուղարկի Թեմական Իշխանութեան միջոցով Ս. Էջմիածնի Սինօղին, որից 10|0-ը Դպրոցական մասնդին յատկացնելու, իսկ 10|0-ն էլ եկեղե-



ցական ֆոնդի օգտին: Եկեղեցական ֆոնդի տոկոսները գործադրուելու են նիւթապէս չքաւոր գիւղական եկեղեցիների բարեգարդութեան և չքաւոր քահանաների ապահովութեան համար:

52. Ծխական հոգաբարձութիւնը պարտաւոր է իւրաքանչիւր տարի իւր տարեկան ելևմուտքի նախահաշիւր կազմել և ծխական ժողովի վաւերացումից յետոյ ուղարկել Թեմական Իշխանութեան ի հաստատութիւն, իսկ մինչև նորի հաստատութիւնը՝ պէտք է առաջնորդուի նախորդ տարուայ նախահաշուով:

53. Ծխական հոգաբարձութիւնը պարտաւոր է նախահաշուի բոլոր կէտերը ճշտութեամբ գործադրել: Որեէ յօդուածից աւելի ծախք պահանջուած դէպքում կարող է աւելի ծախսել այդ յօդուածով որոշուած դումարի $100|_0$ նոյն յօդուածով որոշուած նպատակն: Իսկ աւելի պահանջուած դէպքում պէտք է դիմի ծխական ժողովին՝ նոր վարկ բանալու:

54. Դրամական բոլոր ծախսերի համար պահանջում է ստացողի ստորագրութիւնը ելևմափակ հաշուեմատեանում, կամ տանձին ապացուցաթուղթ ստացողի ստորագրութեամբ:

55. Ծխական հոգաբարձութիւնը մինչև վերաբռնը ամիսը պարտաւոր է նախորդ տարուայ հաշիւր ներկայացնել վերասուգիչ յանձնաժողովին, որի քննութեան արդիւնքը իւր բացատրութեան հետ ներկայացնում է մարտին գումարուած ծխական ժողովին. իսկ վերջինն իւր եզրակայութեան հետ ներկայացնում է Թեմական Իշխանութեան (յօդ. 37):

56. Ծխական հոգաբարձութիւնը պարտաւոր է իւրաքանչիւր ամիս ստուգել իւր և իւր իրաւասութեան ներքոյ գանուած հաստատութեամց ել և մտից դրամական մատեանները, կազմելով արձանագրութիւն և վաւերացնելով իւր ստորագրութեամբ մատեանի մէջ:

57. Եթէ եկեղեցական եկամուտները բաւական չինեն ծխական բոլոր կարիքներին բաւարարութիւն տալու, հոգաբարձութիւնը կազմում է ծխականներից միանուագ կամ պարբերաբար զրամով կամ բնական բերքերով որոշ տուրք ժողովելու նախագիծ: Այդ նախագիծն առաջարկում է ծխական ժողովի քննութեան, և օրինաւոր կերպով ընդունելուց և որոշում դառնալուց յետոյ պարտաւորեցուցիչ է համաձայնութիւն տուողների համար:

58. Եկեղեցու և իւր հաստատութիւնների գրամադլուխները տոկոսով աճեցնելու համար յանձնում են պետական կամ հասարակական բանկային հաստատութիւններին եկեղեցու անունով: Կարելի է նաև շահեցնել մասնաւոր կերպով, եթէ եկեղեցու համար յարմար և ձեռնտու դատուի ծխական ժողովի կողմից և յանձնուելիք գումարը հաստատուն գրաւականով ապահովուի Թեմական Իշխանութեան թոյլտութեամբ ու պատասխանատութեամբ:

59. Դրամականներում ունեցած ծխական եկեղեցու գումարների անդորրագրերը, բանկային առմասերը, մուլհակները և առհասարակ արժեթղթերը, եթէ գրանց բոլորի գումարը միասին հինգ հարիւր ոռուբ-

լուց աւելի չէ, կարող են պահուել երեսվոխի մօտ ծխական հոգաբարձութեան զիտութեամբ, իսկ եթէ հինգհարիւր ոռւբրուց աւելի է, պէտք է տրուեն ի պահ բանկային հաստատութիւններին եկեղեցու անունով:

60. Ծխական հոգաբարձութիւնը ստանում է թեմական իշխանութիւնից երեք ժապաւինեալ մատեան՝ մէկում արձանագրելու եկեղեցու անշարժ գոյքը, անօթեղէններն ու այլ իրերը, նաև դրամագլուխը և այն բոլոր եկամուտները, որոնք հասարակական վրձուով, մասնաւոր անձանց խոստումներով կամ կտակներով համանելու են եկեղեցուն կամ եկեղեցական հաստատութիւններին, երկրորդում՝ ծխական եկեղեցու և իւր հաստատութիւնների տարեկան բոլոր մուտքելն ու եթքը, իսկ երրորդում եկեղեցու բոլոր ծխականների ցուցակը:

61. Ամեն տարի հոկտեմբեր, նոյեմբեր ամիսներին ծխական եկեղեցու քահանաները ծխական հոգաբարձութեան հետ կազմում են մի ցուցակագրուղյաննաժողով, որ վերստուգելով և լրացնելով ծխականների մայր մատեանը, կազմում է իրաւասուծխականների լրիւ ցուցակ:

62. Իւրաքանչիւր ծխական իրաւունք ունի բողոքելու ցուցակագրող յանձնաժողովի կազմած տարեցուցակի սխալների դէմ յանձնաժողովին: Եթէ ցուցակագրող յանձնաժողովը չյարգէ բողոքը, բողոքատուն իրաւունք ունի դիմելու ծխական ժողովին. վերջինս այդպիսի խնդիրներն որոշելուց յետոյ անցնում է օրակարգի հարցերին:

Դ

ՀՈԳԵԽՈՐ ՊԱՇՏՈՆԵԱՆԵՐԻ ԸՆՏՐՈՒԹԻՒՆԸ.

(Դպիր, սարկաւագ, քահանայ):

63. Իւրաքանչիւր համայնք իրաւունք ունի առանձին քահանայ ունենալու: Համայնքն ապահովում է քահանայի տնտեսական վիճակը պարտաւորական համախօսականով, որի մէջ որոշուած են լինում նրա ապրուստի միջոցներն ըստ տեղական պայմանների.

Ա. Տարեկան ոռնիկ

Բ. Տուրքեր ծխակատարութիւնների համար:

Գ. Հողաբաժին

Դ. Կալամաս (կալապտուղ)

64. Իւրաքանչիւր քահանայ ունենում է մինչև 250 ծուխ—մատաղաբաժին: Երկրորդ քահանայի խնդիր կարող է յարուցանել համայնքն այն դէպքում, երբ ծխականների աների թիւը կհասնի 350-ի: Ըստ այս երրորդ քահանայի խնդիր այն դէպքում՝ երբ ծխերի ընդհանուր թիւը կհասնի 600-ի և այսպէս յաջորդաբար:

65. Քահանայի ծերութեան կամ որևէ անբուժելի հիւանդութեան դէպքում, որ արգելք է լինում նրան քահանայագործելու, համայնքը յարուցանում է նոր քահանայ ունենալու խնդիր, ապահովելով ծեր, հիւանդ քահանայի նիւթական վիճակը՝ մասսամբ իւր և մա-

ոտամբ նորընծայի հաշուխն: Քահանայի մահուան գէպ-
քում նոյն ապահովութիւնը շարունակում է նորա
այրու և անչափահաս որբերի համար առնուազն մի
տարի:

66. Հոգեոր սրբազնագործ պաշտօնեաներ (քա-
հանայ և սարկաւագ) ընտրելու համար գումարուած
ծխական ժողովը կանոնաւոր է համարւում, երբ մին-
չե 300 իրաւասու ծխական ունեցող ծխի կիսից ա-
ւելին ներկայ է: Աւելի մեծ համայնքներում յիշեալ
150 թուի վրայ պէտք է աւելանայ իւրաքանչիւր 100
իրաւասուից 10:

67. Հոգեոր պաշտօնեայ ընտրուած կարող է հա-
մարուել միայն նա, ով ստացել է յօգուտ իւր՝ ժո-
ղովում (յօդ. 66) ներկայ եղող իրաւասուների ձայ-
ների մասը:

Ծանօթ. Նոյն թիւը (յօդ. 66, 67) պահանջւում է կա-
լուածներ գնելու և վաճառելու համար:

68. Իւրաքանչիւր եկեղեցի պէտք է ունենայ քա-
հանաների թուով նաև տիրացուներ, որոնց նիւթա-
կանը հոգում է համայնքը կամաւոր տուրքերով կամ
ոռնկով, ինքը քահանան պարտաւոր է իւր տիրացուին
մասնակից անել բոլոր օրինակատարութիւններին: Տի-
րացուին հրաւիրում է և արձակում երեսփոխը քա-
հանայի համաձայնութեամբ:

69. Հոգեոր պաշտօնի մէջ մտնելու պայմաններն են.

Ա. Քահանայացուն պէտք է լինի առնուազն 25
և առ առաւելն 50 տարեկան:

Բ. Զեն կարող ընտրելի լինել՝
ա, Որոնք կանոնական իրաւունքներով նախատե-
սուած պահանջներին չեն համապատասխանում:

Բ, Որոնք պետական օրէնքների գօրութեամբ և
դատաստանով քըէական յանցանքների համար բոլո-
րովին կամ մասամբ զրկուած են իրաւունքներից:

Դ, Որոնք դատի տակ են այնպիսի յանցանքների
համար, որոնց հետևանքն է լինում բոլորովին կամ
մասամբ իրաւունքից զրկուելը:

Ղ, Որոնց վրայ հասարակութեան կողմից վկայեալ
խոշոր բարոյական արատ կայ:

70. Նախագահը ժողովի արձանագրութիւնը ներ-
կայացնում է մերձաւոր նոգ. իշխանութեան ընտրեալի
պարտաւորական ստորագրութեամբ՝ ընտրուած տե-
ղում ցմահ քահանայագործելու: Թեմական իշխանու-
թիւնն ընտրուածի ծննդեան, զինուորագրութեան,
ուսման և բժշկական վկայականները ստանալուց յե-
տոյ՝ երկու շաբաթուայ մէջ ընթացք է տալիս քա-
հանայացուի գործին:

71. Քահանայացուները պէտք է ունենան Մ.
Աթոսի Ճեմարանի կամ Թեմական Դպրանոցի աւարտ-
ման վկայական. իսկ այն գիւղերի համար, որոնք
հնարաւորութիւն չունեն դպրանոցաւարտ քահանաներ
պահելու, լինծայացուն պէտք է քննութեան ենթար-
կուի կանոնագրութեանս կցուած առանձին ծրագրով:

72. Այս կանոնագրութեան որևէ կէտը վորխելու համար՝ պատճառաբանուած խնդրագրով պէտք է դիմել Վեհափառ Հայրապետին:

73. Այս ծխական կանոնագրութեան պաշտօնական հրատարակմամբ և գործադրութեամբ դադարում են Հոգեոր բարձրագոյն, թեմական և տեղական իշխանութիւնների կողմից տրուած բոլոր ընդհանուր և մասնական կանոններն ու հրահանգները, որոնք վերաբերումեն այս կանոնագրութեան խնդիրներին:



ԾՐԱԳԻՐ

ՔԱՅԱՎԱՑՈՒՆԵՐԻ ՀՐԱԿԱՆԳՈՒԹԵԱՆ

ԿՐՈՆԱԿԱՆ ՈՒՍՏՈՒՆՔ ԵՒ ԵԿԵՂԵՑՌԿԱՆ ԳԻՏԵԼԻՔ

Ա. Հին ուխտի Մրբազան պատմութիւն: Առաջին մարդիկ և նահապետներ. Մովսէս, Իորայելացւոց ազատութիւնը՝ Եգիպտոսից և անապատում ընդունած օրէնքը: Յեսու Նաւեայ և Աւետեաց երկրի նուաճումը. Դեբովրա, Գեղէոն, Սամսոն: Թագաւորներ. Իսրայէլի և Յուդայի թագավարութիւն. Եղիա և Եղիս մարգարէ. Ամովս, Ավսէ, Եսայի և Երեմիա մարգարէներ. Բաբելոնի գերութիւնը. Եղեկիէլ: Գերեզմարձը: Մակաբայեցիք:

Բ. Նոր-ուխտի Մրբազան պատմութիւն: Յովհաննէս Մկրտչի: Փրկչի ծնունդը, մանկութիւնը: Մկրտչութիւնը, փորձութիւնը: Աշակերաները. Լեռան քարոզը, հրաշքները, առակները. Փարիսեցւոց և սաղուկեցւոց հակառակութիւնը: Յաղթական մուտքը Երուսաղէմ: Վերջին քարոզութիւնները. Վերջին ընթրիքը, սիրոյ քարոզը: Մատնութիւնը, չարչարանքը, խաչելութիւնը, թաղումը, մահը, Յարութիւնը, Համբարձումը:

Գ. Առաքեալների գործունէութիւնը եւ կարուղիկէ Եկեղեցւոյ նիմնարկութիւնը: Հոգեգալուստ.

ուաշին առաքելական քարոզութիւնները և առաջին համայնքը. Ստեփաննոս Նախավկայ: Պօղոս առաքեալի դարձը, ճանապարհորդութիւններն ու քարոզութիւնը: Քրիստոնէութեան տարածումը Ասորիքում, Փոքր Ա-սիայում, Յունաստանում, Հռոմում, Եգիպտոսում և Կարթագէնում. Հռոմէական կայսրների հանած հալա-ժանքը: Եկեղեցական վարչութիւն, պաշտամունք և գիտութիւն, դաւանանք և դաւանաբանական վէճեր:

Դ. Հայոց եկեղեցւոյ պատմութիւն: Աւանդու-թիւններ Հայոց առաջին կուսաւորիչների ւասին: Ա. Միջներ Հայոց առաջին կուսաւորիչների մասին: Ա. Մեծն Ներսէս. Կրօնաւորութիւն: Յ. Սահակ Պարթև և ա. Մեսրովը. զրերի գիւտի արդիւնքը. Թարգ-մանիչներ: Եփեսոսի ժողովը և Հայոց եկեղեցւոյ դաւա-նութիւնը: Շահապիվանի ժողովը: Վարդանանք և Վա-հանանք: Հայրապետական աթոռը Դուխնում. Գիւտ և Յովհան Մանդակունի. Դուխնի Ա. և Բ. ժողովները: Վըաց բաժանումը. Կոմիտաս Կաթուղիկոս. Եզր-սէս Գ. Շինող. Յովհան Օձնեցին և Մանազկերտի ժողովը: Բագրատունեաց շրջանի հայրապետները. Հայոց վան-քերը. Գրիգոր Նարեկացի: Պահաւունի հայրապետ-ներ և Հայրապետական աթոռը Հռոմէալայում. Ներսէս Շնորհալի. Աղթամարի կաթուղիկոսութիւն: Միութեան խնդիրներ. Զորագետցիք. Հայրապետական աթոռը Սիսում և լատինական ազդեցութիւններ. Գրիգոր Սիսում և Հայրապետական աթոռի փոխազբութիւնն Տաթեացի: Հայրապետական աթոռի փոխազբութիւնն Ա. Էջմիածին: Սոյ կաթուղիկոսութիւն: Երուսա-

ոէմի և կ. Պոլսոյ պատրիարքութիւններ: Ժէ. դարու վերածնութիւնը. Մովսէս Տաթեացի և Փիլիպպոս. Սի-մէօն Երևանցի: Մայր աթոռը Ռուսաց իշխանութեան ներքոյ. պոլոժենիա. Ներսէս Ե. և Գէորգ Դ.:

Ե. Ուսումն ս. գրոց: Հին և նոր կտակարանների կազմութիւնը. կարդու և թարգմանել աւետարանները. Եսայի մարգարէութեան և Առակաց Գրքի կարևորա-գոյն հատուածները. Պօղոս առաքեալի Առ Հռովմայ-եցիս, Առ Կոբնթացիս, Առ Գաղատացիս և Առ Եփեսացիս թղթերը. Յակովայ թուղթը: Քրիստոնէական հաւատոյ և բարոյականութեան հիմնական սկզբունքները:

Զ. Դաւանագիտութիւն և զործնական գիտե-լիներ Հաւատոյ հանդանակը՝ բերանացի և բացա-տրութեամբ: Մարդեղութեան խորհրդի նկատմամբ մեր և Յունաց կամ Հռովմէական եկեղեցիների մէջ եղած դաւանական կէտերի տարբերութիւնը: Ա. Հոգ-ւոյ իջման խնդիրը: Բողոքականութիւն: Մեր եկեղեցուն յատուկ և ուրիշ եկեղեցիներից տարբերող ծէ-սեր, տօներ և կարգեր: Եկեղեցւոյ հիմնական խոր-հուրդները. նոցանշակութիւնը և կատարման եղա-նակը: Եկեղեցւոյ շինութիւնը, անօթները և հանդերձ-ները. նոցա նուիրագործումն և գործածութիւնը: Եկեղեցական տարին: Տէրունական, խաչի և եկեղեց-ւոյ տօներ. Սրբոց տօներ. կիւրակէ պահուող և աւագ տօները, շաբաթ օրերը տօնուող Սուրբերը: Ապաշխա-րութեան օրեր. Մեծ պահք և շաբաթապահքեր: Ժա-մասացութիւն. Առաւատեան, Երևագալի և ձաշու ժա-մեր. Պատարագ. Երեկոյեան և Խաղաղական ժամեր. Նախատօնակ. Հսկում. Մաղթանք, Հոգեհանգստեան

կարգ։ Հայոց եկեղեցւոյ վարչական կազմակերպութիւնը Ուուսաստանում, Տաճկաստանում և արտասահմանեան այլ երկրներում։ Թեմերի բաժանումը Ուուսաստանում։ Առաջնորդ և Կոնսիստորիա. Փոխանորդ և Հոգեոր կառավարութիւն. գործակալ. աւագերէց. ծխական համայնք և ծխական մարմիններ. ծխական հոգեոր պաշտօնէութիւն։ Թեմերի բաժանումը Տաճկաստանում և այլ երկրներում. Պատրիարք և Ազգային Փողով։

Ժողովի:
Եկեղեցական կարգապահութիւն: Պատկի տար-
բական կամոններ: Ծխական կամոնադրութիւն:
է. Եկեղեցական պատաման վարժութիւններ.
ա. Ձայնագրեալ շարականների գործածութիւնը:
Ութիւն ձայն եղանակների վրայ կազմուած բոլոր շարա-
կանները, ստեղի և զարդուղի եղանակներն իրենց
բոլոր սկսուածքներով իմանալ երգել ձայնանիշներով
և բառերով: բ. Քաղուածք անուանեալ ձայնագրեալ
բոլոր շարականները նոյնպէս իմանալ երգել ձայնա-
բոլոր նիշներով և բառերով: գ. Ձայնագրեալ ժամագրքի
գործածութիւնը նրա մէջ զետեղուած բոլոր երգերը
իմանալ կատարել ձայնանիշներով և բառերով: դ. Ձայ-
նագրեալ պատարագի արարողութեան մէջ զետեղուած
բոլոր մէղեղինները, և առհասարակ պատարագի վերա-
բերեալ բոլոր երգերն իմանալ ձայնանիշներով և բա-
ռերով երգել:

Մաշտոցի, Տօնացոյցի և Ժամագրքի գործածութիւնը պահպանութիւն ու պատասխանութիւն է առ ապահովագործութիւն ու հանդէմների ու

կարգերի պատշաճաւոր կատարումն։
Հովուական պարտականութիւններ։
Յարաբերութիւնն եկեղեցական իշխանութեան և
ծխական մարմինների հետ։
Պաշտօնական թղթավարութիւնն։
Կրօնի փորձնական դասեր և փորձնական քարոզ։

ՀԱՅՈՑ ԼԵԶՈՒԻ ԵՒ ԳՐԱԿԱՆՈՒԹԻՒՆ

1. ԱՇԽԱՐՀԱԲԱՐ

Ճշտութեամբ արտայայտել և պատմել գրական
բոլոր տեսակների գրուածքների իմաստն ու բովան-
դակութիւնը։ Անսխալ զբել և շարադրել կարողանալ։
Ծանօթութիւն արևելեան և արևմտեան աշխարհաբարի
տարբերութեան և բարբառների մասին։

Քերականութիւն՝ ա) ստուգաբանութիւն—բայեր
և նոցա խոնարհումը, գոյական անուններ և դեր-
անուններ և նոցա հոլովակները: Ածականներ, “յօդեր,
չախադրութիւններ” և շաղկապներ:

բ. Շարահիւսութիւն-Համաձայնութեան մասերը.
ասացուածքի տեսակները. ենթակայ, սեռի և բնութեան
խնդիրներ. Խնդրառութիւններ. յատկացուցիչ յատկա-
ցեալ, բացայատիչ բացայայտեալ. որոշիչ, որոշեալ:
Պարագայական բառեր և յօդեր. Համագրութիւն. որո-
շիչ, լրացուցիչ և պարագայական երկրորդական նա-
խագասութիւններ. Համագրութեան տեսակները. արո-
հութիւն: Համառօտ, ընդպարձակ, դրական, բացասա-
կան, հաստատական, հարցական և այլն նախագասու-
թիւններ. Ծանօթիւն ոճի տեսակների մասին:

2. ԳՐԱԲԱՐ

Հարազատութեամբ թարգմանել կարողանալ սա
գիրքը և եկեղեցական հայրերի գրուածքներից: Քե-
րականութիւնից՝ ա. մասը — ստուգաբանութիւն:

3. ԳՐԱԿԱՆՈՒԹԻՒՆ

ա.) Ծանօթութիւն գրականութեան տեսութեան-
մասին: Ներածութիւն Հայոց գրականութեան:
բ.) Եկեղեցական մատենագրութիւն — տառերի-
գիւղը, ս. Սահակ և ս. Մեսրոպ, թարգմանիչներ.
Եկեղեցական մատենագրութեան տեսակները: Թարգ-
մանութիւններ և բնագրեր: Հայաստանեայց Եկեղեցու-
մատենագիր Հայրերը — ս. Գրիգոր Լուսաւորիչ և
մատենագիր Հայրերը — ս. Գրիգոր Լուսաւորիչ և
Սամ-
նրան Վերագրուող գրական գործերը, ս. Սահակ, Մամ-
բերձանող, Դաւիթ Անյաղթ, Գիւտ կաթողիկոս,
Յովհան Մանդակունի և այլք:

գ.) Պատմագրութիւն Կորիւն, Աղաթանգեղոս,
Փաւստոս, Ղազար Փարպեցի Եղիշէ, Մովսէս Խորե-
նացի, Սեբէոս, Ղեւոնդ Պատմիչ:

դ.) Վերածնութեան շրջան: Աշխարհաբար գրա-
կանութեան սկզբնաւորութիւնը՝ Ալամդարեան, Թաղ-
եաթեան, Արովեան, Նալբանդեան, Պատկանեան, Շա-
հագիզ, Պոօշեան, Աղայեան, Ալլշան, Նոր հայ գրողներ:

ՈՐԻՍՍՅՑ ԱՅՉՈՒ

Կարդալ, թարգմանել գրել պարզ խօսակցու-
թիւն, և տարբական քերականութիւն գիտենալ:

ՀԱՅՈՅ ՊԱՏՄՈՒԹՈՒՆ և ՀԱՅԱՍՏԱՆԻ

ԱՇԽԱՏԱ ԱՇԽԱՏԱ

ՀԱՅԱՍՏԱՆԻ ԱՇԽԱՏԱ

Հին Հայաստանի սահմանները. վարչական բա-
ժանումները և նախարարական կազուածները: Գլխա-
ւոր լեռները Զբարաշխներ, հարթավայրեր, կլիմա,
հանքեր, բոյսեր և կենդանիներ:

Հայաստանի բնակիչները. Հայոց լեզուն և կրօնը:
Հաղորդակցութեանց ճանապարհները և գլխաւոր քա-
ղաքները:

Ներկայ Հայաստանի բաժանումները

ա.) Ռուսահայք:

բ.) Տաճկահայաստան — Հայկական վեց նահանգ-
ները և Հայկական կիլիկա:

գ.) Պարսկահայք:

ՀԱՅՈՅ ՊԱՏՄՈՒԹՈՒՆ

Նախնական Հայաստանը և իւր պատմութիւնը:
Հայերի ծագումը: Հայկական հարստութեան կազմա-
կերպումը, Տիգրան մեծ:

Արշակունեաց հարստութեան հաստատումը: Քրիս-
տոնութեան մուտքը Հայաստան: Վերջին Արշա-
կունիք: Պարսկայունական յարաբերութիւնները: Պարս-
կական տիրապետութեան վերջին շրջանը: Յունական
բաժնի հայերը:

Արաբացոց հանդէս գալը և նոցա տիրապետու-
թիւնը Հայաստանում:

Բագրատունեաց հարստութեան հաստատումը.

Աշուա գ. Անի մայրաքաղաքը: Երկրորդական թագաւոռ-
քութիւններ, Բազրատունեաց անկումը: Հայաստանը
սելջուկեանց շրջանում: Կիլիկեան Հայկական թագա-
ւորութեան հաստատումը, Լոռն բ. Հեթումեան և Լու-
սինեան թագաւորներ: Կիլիկիոյ անկումը:

Պարսից և Օսմանցոց պատերազմները Հայաս-
տանի տիրապետութեան համար: Պարսկահայաստան
և Տաճկահայաստան: Հայկական գաղութները: Հայոց
Ներքին կեանքի պայմանները վերոյիշեալ պատմա-
շրջաններում:

Ռուսահայք, պոլոժենիա: Տաճկահայք. Ազգային
Սահմանադրութիւն և Հայաստանի բարենորոգումները:

ԱՇԽԱՐՀԱԳՐՈՒԹԻՒՆ

Ֆիդիքական և բնական աշխարհագրութիւն: Քա-
ղաքական աշխարհագրութիւն՝ Ռուսաստանի, Կովկա-
սի, բաւարար չափով Եւրոպայի և Առաջաւոր Ա-
սիայի, ընդհանուր կերպով մնացեալ մասերի:

ՊԱՏՄՈՒԹԻՒՆ

Ա. Համառօտ պատմութիւն Ասորեստանցւոց, Բա-
րելացւոց և Եգիպտացւոց, Մարաց և Պարսից, Յունաց
և Հռովմէացւոց:

Եւրոպական մեծ պետութիւնների կազմակեր-
պուելը ԺԹ. դարում և արդի դրութիւնը:
Բ. Համառօտ պատմութիւն Ռուսաց Մեծն Պետ-
քոսի օրից ի վեր: Աղէքսանդր Բ.-ի թագաւորու-
թեան բարենորոգումները և Ճորտերի ազատութիւնը:
Աղէքսանդր Գ. Նիկոլայ Բ. Պետական Դումա:

ԹՈՒՄԱԲԱՆՈՒԹԻՒՆ

Զորս գործողութիւններ անուանական և վերացա-
կան թուերով.

Թուերի բաժանականութիւնը.

Անմատացորդ բաժանման նշանացոյցերը 2-ի, 4-ի,
8-ի, 3 և 9 ի վրայ.

Ամենամեծ ընդհանուր բաժանարար և ամենա-
փոքր բազմապատիկ թիւ.

Կոտորակ. հասարակ և տասնորդական կոտորակ-
ներ. Զորս գործողութիւն հասարակ և տասնորդական
կոտորակներով.

Պարբերական կոտորակներ.

Յարաբերութիւններ և համեմատութիւններ.

Պարզ և բարդ երից կանոններ.

Տոկոսների և մուրհակների զեղջման կանոն.

ԿԵՆԴԱՆԱԲԱՆՈՒԹԻՒՆ

Բձիճ. միաբանիճ և բազմաբանիճ կենդանիներ.

Նախակենդանիներ. ամեօրա.

Տըկընդերը. հիդրա

Որդեր. սօլիտէր (երիզորդ)

Փշամորթներ, ծովաստղ.

Հատուածոտանիներ, խեցգետին.

Փափկամարմիններ, խխունջ.

Ողնաշարաւորներ 1) ձկներ, 2) Երկակենցաղներ,
3) սողուններ, 4) թռչուններ, 5) կաթնասուններ,
իւրաքանչիւր դասակարգից մէկ ներկայացուցիչ:

ԲՈՒՄԱԲԱՆՈՒԹԻՒՆ

Բուսական թագաւորութեան երկու մասի բաժան-

ւելլ, սերմնաւորներ և բեղմնեկաւորներ.

Բոյսերի ներքին կազմութիւնը. բժիշ.

Սերմ. միաշաքիլ և երկշաքիլ բոյսեր.

Սրմատ. նրա պաշտօնը.

Տերհ, նրա դերը.

Յօղուն, նրա պաշտօնը և կազմութիւնը.

Ծաղիկ, նրա մասերը.

Սունկեր.

ՀԱՆՔԱԲԱՆՈՒԹԻՒՆ

Բիւրեղներ.

Հանքեր. տարրեր, մետաղներ և մետաղակերպներ։
Օքսիդներ. տեսակները.

Ծծմբուկներ. երկաթածծումբ.

Բնածխատ. ծծմբատներ, բորակատներ. իւրաքանչիւրից մի տեսակ.

ԲՆԱԽՈՍՈՒԹԻՒՆ

Մարդու կմախքը.

Շնչառութեան գործարան.

Մարսողութեան գործարան.

Նեարդային համակարգութիւն.

Հինդ զգայարանքներ.

ԱՌՈՂՋԱՊԱՀՈՒԹԻՒՆ

Համառօտ տեղեկութիւն բակտէրիաների մասին.

Օդ. բաղադրիչ մասերը. թթուածին, բորակածին,
ածխաթթու.

Օդի ֆիզիկական յատկութիւնները. կլիմա, խո-
նաւութիւն.

Բնակաբան, օդամաքըռութիւն.

Վառելիք, լուսաւորութիւն, նրանց առողջապա-
հական նշանակութիւնը.

Հող. ջուր.

Մնունդ. գլխաւոր տեսակներ.

Վարակիչ հիւանդութիւններ և միջոցներ սրանց
դէմ.

ՑԻԶԻՔԱ

Մեքենայագիտութիւն. Մարմինների յատկու-
թիւնները.

Լծակներ,

Զրաբաշխութիւն. Պասկալի և Արքիմեդի օրէքները.

Գազեր, գազերի յատկութիւնները.

Զերմութիւն. ջերմաչափ.

Մարմինների լայնանալը.

Զերմութեան տարածումը. լաւ և վատ հաղորդիչ-
ներ.

Շոգիներ, շոգեկառք.

Զայն. ձայնի ալիքները.

Լոյս. բեկրեկում. հայելիներ, ապակիներ.

Մագնիսականութիւն.

Ելեքտրականութիւն. Գալվանականութիւն, ելեք-
տրական մեքենաներ և այլն:

ՄԱՏԵՍՆ

ԵԼԻՑ ԵՒ ՄՏԻՑ

ԵԼԵՂԵԳՈՒ Քաղաքի (Կամպիւլի)

Վասն 191 թուին

ՀՆՀ	Ամիս	ՄՈՒՏԳԻ	Թ.	Կ.	Թ.	Կ.
Ըստ	և					
կարգի	ամսաթ.					

ՀՆՀ	Ամիս	ԵԼՎԻ	Թ.	Կ.	Թ.	Կ.
Ըստ	և					
կարգի	ամսաթ.					

Պ Ա Տ Ե Ա Ն

եկեղեցու քաղաքի (կամ զիւղի)

ԾԽԱԿԱՆՆԵՐԻ.

Կազմած 191 թուին

Նոմենում կարգի	Ազգանուն անուն և հայրանուն ըն- նիքի անդամների և առնչութիւնը տան մեծի հետ	Տարիք Գրադարձութեան	Խնչով է պարա- պում:	Վերաբնակիչ է որ տեղից է եկել և Երբ:

Յուցակ կազմելուց յետոյ ընթանիքի մեջ տեղի ունեցած փոփոխութիւնը.	Ծնունդ. տարի, ա- միս և ամ- սաթիւ	Պատկ. ամիս և ամ- սաթիւ	Մահ. տարի, ամիս և ամ- սաթիւ	Ծանօթութիւն

ՄԱՏԱՆ

Եկեղեցու քաղաքի (կամ գիւղի)

ԿԱՅՔԻ ԳՈՅՔԻ ԵՒ ԹՐԱՄԱԳԼԽԻ (ԽՆՎԵՆՑԱՐ)

Կազմուած 191 թուին

ԽՆՎ Ըստ կարգի	Տաղի ամիս և ամսաթիւ	Առարկայի անունը և համառօտ նկարագրութ.	Գնուածէ	թէ նուէր. եթէ նուէլ	Հափը երկարութեան լայէ, նուիւրողի անունը աղդամունը	Հափը երկարութեան լայէ, նութեան բարձրութեանը	Կախութիւն	Արժէք	Անօթութիւն



Գիշե է 20 կոպ.